

鶴山先生大全文集

二

蘇子知

PDG

重校鶴山先生大全文集一



寄題雅州胥園

胥君頎然來錦囊背奚奴探囊發詩卷一卿大夫
未識胥園面詩卷目畫圖掃石卧竹影長鍾斲芋區
胥君於此時林泉傲金朱懶余本丘壑誤被塵纒縛
每逢漫浪友慚愧紅塵脚會當尋茲盟酬此一大錯
登萬象樓和計次陽韻

塵纒羈我身對景慵看語青山喚倚欄壯氣臨穎汝

曾雲卷油幕萬嶺眇煙縷酒闌一橫笛樓前葉自兩

贈章相士

我本三生人寄身軟紅土方困京華老誰識新豐旅
稠中有章生道周忽會顧謂余有奇骨往往私告語
許予兩無心解逅適相遇聞余趨集英一聲登臚句
自謂吾術神誦言詭儔侶我無百金裝生無箕帚女
泚毫賦此詩爲生郵梁楚

和虞永康美功堂詩

我曾寄徑城南州果否纂纂香浮浮雲開千仞雪
山白月照萬古滄江流我時未得江山意但愛蒼
甲西州十年重來是邪非獨覺真意爛不收虞侯

着堂發幽悶豈但清與耳目謀川流衮衮來不斷雲
物豐豐生無休既從靜壽識至樂復於嘆逝希前修

張景陽詩川上之嘆逝前修以自勗注修脩通用

遊人翕翕滿江頭隨所適

處心悠悠童子長佩褰江蘿女兒羅裙學石榴沒人揚
波白魚躍舟子競渡蒼龍揆田羽野婦看兒戲詠歸
山暝風作秋固亦有志感時節欲起湘纍問靈脩人人
得處自深淺江山於爾無顯幽堂上主賓亦復爾各
各會意風泠颼宇宙無窮本如此我亦皓然希天遊

次韻史少莊竹醉日移竹

豔豔酒粧闌姚魏冥冥花影逢石下醉生夢死何如
竹三百五十九日醒

清如杜叟日卓午直似姜公詩作丁冰雪空顏儼相
值霸陵醉尉也須醒

平生自許歲寒操醉日移來三十丁底事此君亦移
轉連明風雨喚教醒

猩屨常爲醉魂役驪珠適與睡時丁外物移人每如
此人心可使不長醒

虞永康告

良知誰不有靡究復靡屆寸心日月明萬里天地解
握機洞消長觀物了成壞推行濟四海小試未爲隘
姓名旣轉聞正恐世網挂相期久遠看力與支末派
建立天地心透徹義利界即茲奉君壽行矣良自勸

安大使丙生日

往年天壓西南垂妖氛內訌胡塵飛梟狐陸梁土扼
腕蜀山慘澹無光輝公以空拳嬰乳虎漠漠黃雲間
平楚直將天理感人心徑斬賊頭報明主露布東馳
人嘯呼京師觀者環儲胥天顏有喜近臣賀大官高
爵來須臾中興以來幾變異宗祏之存如旒綴平江
羽檄走凶雛采石鯁舟戮狂獍至今勛名滿華夷與
公鼎立書旂彝公方退然不自居憂國之憂紛如絲
天之生公爲社稷南山不蹇石不泐願公蚤歸相天
子赤舄晨朝容凡几

次韻叔衍兄賀生子

一壑一丘耕且爲不歌周網應非罪雲霧障日樹蒙
密草蔓漫天山蔽虧生意正從芽蘗露善根不逐斧
斤斯溶溶此理誰能解賸喜吾宗有白眉

錢章郎中變以浙東倉歸湖州

武陵城中春事濃棟花欲開未開風常平使者謝朝
列袖有英蕩吾將東披孔翠來上馬去錦韉長燭三
花驄先攜令名作鄉繡却把仁念爲倉紅世人機淺
嗜欲深便從扶木窮高春朝余蒼梧夕縣圃何似緩
轡搖冬瓏曩余除官本同署至自萬里驚燕鴻諸公
祖筵亂平湖復我不往心忡忡君今姑爲粵人行明
年歸朝儻及同

送宇文侍郎紹節知廬州

和我八十年尺璧不施寸彼方元黃篚此但清紫檀
懷榮保妻子是固人所賤或者倖邊功橫行請十萬
問學不素講利欲所薰煥紅旗與黃紙勇怯無定論
淮浦唇大江九重重分閫容臺少常伯忠孝在寢飯
帝謂吾先正嘗遺蠟書恨汝今其聞孫未報君父怨
九旗下青冥往爲忠義勸再拜亟祗命當仁不敢遜
黃金絡馬頭耳聾立憲憲先聲劇塞垣虜師不足遁
鄰里會方山踈余且有獻裴相昔守淮董師征洄鄖
兵端寔禁放深入非始願况今相承平去氣方曼曼
民力苦剝創帥債未折券如弱者禦盜高壘守關樞

破羗趙營田勝楚何縵堰但當強精神勿與角勇健
功名不入眼兩關待其困却攜令名歸太平待公建

題蔡氏叢桂堂

誰銜鷲峯種託根蔡氏堂勿誇却林枝未說燕山芳
君看湘江上千載留明光但當護根本歲晚奉幽香

送徐校書知處州

峩峩海中山十二樓五城僊人駟玉虬徑上凌紫清
中道忽回薄珪符下玉京彤幘曜白日錦輿上頭行
扶桑攲余轡緩步實作程世間行已地端亦勝蓬瀛
誰乎低着身啞咤聞新鷲何如攜令名歸以見母兄
用世無小大千里亦民氓少施五袴手竝錄屏風名

送王考功聞禮江東漕

分部設將漕，
難施寄聰明。
直須撼山嶽，
亡但採畸贏。
而況江以東，
襟淮翼吳荆。
民力九十空，
所恃人爲城。
南宮輟望郎，
方輸餉連營。
焚煌鵲錦袍，
明日趨遐征。
陽春脚未到，
淑氣先流鶯。
向來嵇中散，
僅試雍九京。
阿兄亦未究，
有書今在楹。
驅車蹈前軌，
若木以爲程。
千里隔香案，
洗目觀澄清。

送宋常丞德之知閬州

十年痼丘壑，
厭食青山薇。
不作時世粧，
短褐懷明璣。
出門歌一曲，
聽者鬼爲飛。
方騎將軍馬，
旋闢師氏闥。
清名滿雙宇，
宥畫裨樞機。
使面障俗塵，
不肯緇素衣。

一朝典儀最雲步方幾魏顧懷錦屏勝見謂天下稀
形幘下青冥鯁馬黃金鞵假道淞以東袖有四明歸
我來今二年幾度與客違名位偶君似臨分重依依
風節耐歲晚富貴倏晨晞相期久遠看場力踵前徽

送黃考功 廣東運判分韻得漢字

涼風厲蕭辰秋事已一半同舍多望郎萍聚復雲散
得士良苦艱引去何浩瀚日日送行人青衫浹流汗
其間白石翁清廟之主瓊器采儀周行詞章輩楚亂
秘丘第一官脩途日未旰掉頭不肯住持節下霄漢
草木識清名風塵入長筭安得此老宿爲世洗愁嘆
同省並門居昔我綴華貫高標壁千仞臨分重嗟惋

相期紹前徽歲晚堪把玩

迭曾尚右

從龍

知信州分韻得州字

長安十二門冠蓋如雲稠浮驂不停趨九衢滔滔流
朝握扶桑轡暮行背椒丘駕言往從之道左傷吾輈
溫陵有佳士清姿秀琅球蚤疇倫魁壘盛之蓬瀛洲
榮進付膜外寡欲自日休需章臣有母自詭以一州
彤襜下青真錦輿居上頭小施活國手彫瘵會有瘳
同省並門居昔我陪清遊一時四同年氣味骨肉侔
而君堂堂去別袂挽不留比商起層層積蟲蝓催功裘
問學常苦艱歲月忽忽逝古今同一岐古豈真難壽
願言事樵蓑勿作刈穫謀會面豈不再爲君剗雙眸

追送劉侍郎甲以寶制帥湖北

士從西南來落落僅八九半年北門道幾度醺別酒
清朝志興復第一廣英毅米未及掘引去遽盈斗
矧今忠肅孫卓犖漢庭右清集儀班行高懷爲宇宙
居然輟邇聯壑懷荊州綬恩章陟西祀戎鉞炫春晝
世間行已地隨寓皆不朽着意護本根虛懷閱忠厚
上游屹長城歸來秉機宥

送程左史驤

以右撰知夔州分韻得重字

煙草暝江湖霜風纈郊龍黎明北門道雜遝冠蓋擁
程侯倦左城引去何太勇瀘江春信回書殿星極捧
帝念夔子國側耕地荒茸吏號食賦政煩室罄小人恐

申命亟移麾邀驅母上冢彤幃下霄漢環珮鏘璧珙
山川洗悽戚草木企孤聳斧斤刈伐餘急與護把拱
古人爲已學非以博華寵事業貫千載富貴不旋踵
願言樹風聲永作蜀山重

題謝耕道耘一犁春雨圖

床頭夜雨滴到明村南村北春水生老婦攜兒出門
去老翁赤脚呵牛耕一雙不借桂木杪半破夫須衝
曉行耕罷洗泥枕犢鼻卧看人間蠻觸爭

送陳大著

晦

知蘄州分韻得輝字

陳侯海內秀滿腹貯明璣十歲能屬文提筆登玉畿
上嘉魯論對亟授九品衣二十膺臚仕旦旦五采翬

三十舉殊科尋闖師氏闈四十復見微雲步何義魏
蓬萊三千丈徑上陵紫微顧懷蘄春勝驄馬黃金鞵
我來今年幾度與客違於君再爲寮臨分重依依
風節耐歲晚富貴特晨晞前後繼二呂迄今借光輝
元膺獻可相期久遠者努力追前微
俱嘗守節

題石興宗

振讀書巖

巖扁乃魯直所書

巖頭橘樹經百黃三少不生諸老亡只餘石間元祐
脚谷虛盡日鳴當當

送趙編修大全

知眉州分韻登字

炎煒爍空臭火雲助其炁冠巾拂塵主庭戶喧蟲蠅
便面不停舉况欲填吾膺其間寂寞人隨念生凉水